الرايسة السودة

محمد عايـش شـريف

•		

الراية السودة

شخصيات المسرحية :

الشيخ صوان : شيخ قبيلة الصواوين

حسان : زعيم المطاريد الشرقية

الشيخ مشاهد : أحد رجال المقاومة الوطنية

شحات : صديق مجاهد

الشيخ صخر : شيخ قبيلة الصخران

عواد : زعيم المطاريد الغربية

سالمة : بنت الشيخ صوان وخطيبة مجاهد

مجاهد : بطل الرواية

المرأة العجوز : تبحث عن ولدها المفقود

يم : أحد شباب القبيلة

أفراد القبائل : من كل قبيلة مجموعة

مسرحية (الراية السودة)

المشهد الأول
الديكور في منتصف المسرح بئر مياه عليه غطاء على شكل قبعة أجنبية وموصل من اليمين واليسار بالكواليس بسور من سيوف مكسورة عليها جماجم مقطوعة وفوق البسسنر رايسة سوداء تدل على الخصام والفرقة .. مع رفع السستار تبدأ رقصة تعبيرية ... أحد الرجال مصلوب فوق البنر ومجموعة من القبائل تحمل دمية لخيال المآتى وهي تدخل مــــــن يمـــين ويسار المسرح في شكل شبه جنائزي وتقوم بالطواف حسول البئر والرجل المصلوب وهي تردد :

إحنا رجال العرب يا جوم

بينا العـــــز دايم دوم

ما نرضى بغاصب يعادينا

وان جانا نزود عن أراضينا

العقل في الراس زينــــة

وعقولنا ليش صارت زينة

وإحنا رجال العرب يا جوم

بينا العـــــز دايم دوم

المنظر

بعد انتهاء الأغنية تبدأ هذه الجاميع في عمسل إشسارات على هيئة أصوات حيوانية بشكل يبدو وحشيا وتذهسب في اتجاه الرجل المصلوب وهي تلبس أقنعة لوحوش أسسطورية وحيوانات تقوم بنهش الرجل المصلوب فيصرخ صرخة عالية مع إظلام .. ثم يضاء الجانب الأيمن من المسرح بحيث يظسهر المسرح مقسوم إلى قسمين .. في اليمين قبيلة الصواويسن وفي السار قبيلة الصخوان .

(يدخل الشيخ صوان شيخ قبيلة الصواوين ومعه حسسان زعيم المطاريد الشرقية)

صوان : شفت يا حسان .. خدنا التار ومحينا العسار .. وطخينا لصخر رجلين من رجاله مقابل الراجل إلى طخوه من رجالسلا وما فيه مشاكل ..

حسان : تسلم يا شيخ صوان .. يا سيد القبيلة وتسلم رجالك ..

حسان : وكيف ما يركع وأنت الأقوى والأصلب .

صوان : قال يريد يصير هو شيخ القبيلة . يبقى فيه مشاكل .

حسان : صابه جنون الزعامة والكبر

صوان : أنا شيخ القبيلة الوحيد وسيد القسوم .. اعسرف كيسف أسوسهم .. ووين مصالحهم وما فيه مشاكل . سان : (في خبث) وهذا حق يا شيخ صوان

صوان : والبير يا حسان .. البير يوم ما يصير ميلكي .. مـــــا فيـــــه مشاكل .. يوم ما أبيع ميته على الخلق وازيد ثراء وما فيـــــــه مشاكل

حسان : البير بيرك .. وواقع في أرضك اللي ورثتها عــــن أخـــوك مسلم

صوان : لكل صخر بيقول انه في ميراثه وانه من حقه

حسان : ظالم وغادر .. طماع يريد ياخد حق مش حقه

صوان : (مشيرا إلى الراية السوداء) .. حتفضل الراية السمودة بيني وبيناته لحد ما اصفي رجاله واحد واحد واقتله واستولي على البئر .. (مشيرا إلى البئر) وما فيه مشاكل .. واستولي على المشيخة وما فيه مشاكل . لكن أخسبرت انه عامل معاهدة مع المطاريد الغربية واشترى منهم سلاح .

صوان : تسلم يا زعيم

حسان : لكن أريد منك وعد وعطية

صوان : تريد مال ؟ المال مالك خذ كل ما تريده من مال

حسان : المال ثمن السلاح .. لكن أريد وعد بزواجي من سالمة بنتك

صوان : سبق ووعدتك وقلت سالمة لك

حسان : الوعد طال والشوق في القلب قتال .. وأنا مشتاق الاتحسام زواجي منها

صوان : يوم ما أصير شيخ القبيلة كلها .. ويصير البير ملكــــي .. تكون سالة زوجتك وما فيه مشاكل .

حسان : والبعيد مع حسان يصير قريب والرقاب تمون فدا عيونك يا سالمة

(تدخل المرأة العجوز وهي تتوكأ على عكاز)

العجوز : يا ترى وينك يا ولدي .. جاي بالخلة ولا بجمال محملة غلة

حسان : (في غضب) قبر يلمك ويتاوي رمتك يا بوز الغراب صوان : الولية عقلها طاقق .. هلت علينا من دروب ما ليها اثـــ ..

تدور على ولدها اللي تايه ومن يومها وهـــــي تايهــــة بـــين

القبايل تنعق مثل البوم وما فيه مشاكل .

العجوز : يا قبر كيف هان عليك تضمه .. وأنا الي قلبي عليــــه مــــا

ارتاح من همه .. (تحرج)

: غوري قبر يلمك

شحات

(يدخل شحات وهو يركب أحد عسف النخيل كحصان

وممسكا بيده بسيف من خشب وهو يقول ويردد)

. أبوح يا أبوح .. بيت العرب مفتوح .. مفتوح بقاله سنين .. يا حصرة الملايين .. والبوم عشش فيه .. مسن السسوس

.. يا حصوه الدارين .. والبوم علمان عالم المعافير .. خفير طايح سقفيه .. واقف عليه خفير .. بيطرد العصافير .. خفير لابس طرطور .. من البوم يا جوم ماجور .. وابوح يا ابسوح .. بيت العرب مفتوح

: يوم اغبر .. هذا كمان شحات المهووس ..

شحات : (مخاطبا حسان) كيفك يا دعرور .. تيجي احدك لفـــــة

على زيل حصابي

حسان : قبر يلمك ويلم اصنافك يا اهبل ..

شحات : ليه غضبان يا دعرور .. هذا حسان عربي اصيل .. لقيتـــه

تايه في الصحرا اويته وكبرته ..

صوان : غور من اهني الحين يا شحات وما فيه مشاكل ..

شحات : (لحسان) يا دعرور قول الحق انت راجل ولا لا

حسان : (يمسك بشحات) والله غير اكسر لحمك في عضمك

شحات : اه يابا اه ياماه

صوان : اتركه يا حسان .. ما انت خابر ان عقله طاقق .. وما فيـــه

مشاكل

شحات : اه ياباه .. كدة كرمشت جلبابي وانا كيه .. تحت خـــف الجمل

حسان : قلت غور من اهني

شحات : الله حي .. الشيخ مشاهد جي ..

حسان : الشيخ مشاهد .. الراجل هادا ما برتاح له .. انا ذاهـــب الحين لحد ما يغور

صوان : هاشوفه ايش يريد واتبعك .. وما فيه مشاكل .

حسان : بس خللي بالك منه هدا راجل اعمه وحويط ..

صوان : لا تخاف على الشيخ صوان .. ما فيه مشككل (يخسرج

صوان : خير يا شيخ مشاهد .. ايش تريد ؟

مشاهد : كيف يا راجل يا عاقل .. انت واخوك تقسموا القبيلـــة .. وتشتتوا الخلق وتشعلوا نار التار والحرب بيناتكم .

صوان : اه - كده فيه مشاكل .. وانت ايش داخلك

مشاهد : دخلي اني منكم .. والدم اللي بيجري في عروقــــي مـــن دمكم وبعز عليه ان الدم الواحد يسيل على الارض

صوان : انا شبخ القبيلة الوحيد .. والبير لي .. مهما سال السدم وطال التار

: خسارة يا عربان .. عار عليكم .. لما راســـكم يركبــها مشاهد الطمع .. وترخص عليكم دمانكم .. وين يا شيخ صوان .. وين واقفتنا رجالة يد واحدة ضد عدونا في ٦٧ و ٧٣ : الوقت اتغير والبقاء للاقوى صوان مشاهد اخوكم الكبير .. اللي كان زين وعقله زين . : عقله طاقق والي فاسد .. واهو مقامه اللي مدفون تحــــت صوان البير ههدمه وما فيه صلح مع صخر وما فيه مشاكل . : وكيف تفتحوا بيوتكم وتستعينوا بالاغراب المطــــــاريد .. مشاهد اللي ما احنا خابرين اصلهم . هجامة وقطاع طرق . : واستعين بالعفاريت الزرة؛ ما دام هذا صالحي ومـــــا فيــــه صوان مشاكل : لازم تكون خابر يا شيخ صوان .. ان المطاريد ما بيعنيسهم مشاهد غير مصالحهم : انتهى الخراف .. واياك تتخرف معي في هذا الموضوع مرة صوان

تانية .. والا انت خابر ..

: هتقطع عني المعنونه اللي بتعطيها لي مشاهد : واقطع عنك الميه والزاد .. ما دمت ضد مصلحتي .. الــنوم صوان دارك يا اخي دانت اعمى

مشاهد : بتعايريني يا صوان بعماي وانت خابر ليه انا عميت .. اه ..

انا عميت عشان كنت بدافع عن وطني ضد الغاصب مـــش

جبان وقاعد جوه داري مثل الحريم

صوان : انا مالي صالح .. وان عودت الحراف الحاسر ما هصير خير

وما فيه مشاكل

(يخرج)

مشاهد : (وهو خارج) ضاع الفارس والخيال

شحات : (داخلاً) وهو يسير خلف الشيخ مشاهد مرددا) يسا

مطرة رخي رخي على قرعة بنت اختي .. بنت اختي قرعــــة قرعة .. ما فيها ولا شعرة وتربد من العترة فروة والفـــوة في بلاد بعيدة .. وايش تعمل الماشتة يا زينة في الوجه العكـــــــر

الشينة .. وكيف ترفع يا ولد الراس .. والـــراس الواطـــي

منداس ويا مطرة رخي رخي

(يخرج ويضاء الجانب الايسر من المسرح) (يدخمال صخمر

وعواد)

صخر : (منفعلا) وحد كتاب الله لاجعل وحوش البرية تنــــــهش

لحمك يا صوان

عواد : اهدى يا شيخ صحر .. اهدى يا سيد القوم ..

صخر : قاتل رجلين من رجالي وتقولي اهدى .. كيف يــــا عـــواد

اهدی .. کیف ؟

عواد : وانا عواد زعيم المطاريد الغربية والولك لا تحمل هــــم .. قتلك راجلين اقتله اربعة .. لحد ما يجي يركع تحت قدمــــك ويقولك سامحني يا شيخ القبيلة الوحيد يا سيد القوم ..

صخر: ارید مزید من السلاح یا عواد ..

عواد : سلاح المطاريد الغربية كله ملك يدك

صخر : وفلوس صخر كلها ملك يدك

عواد : احمنا يهمنا مصلحتك .. ويهمنا تثبت وجودك .. لانـــك انت اصلح واحد يكون شيخ القبيلة كلها ويكون البير ملك يده

صخر: صحيح يا عواد ..

عواد : صحيح يا سيد القوم ..

مواد : وطول ما انت قوي .. الحلق هتهابك .. والمشيخة هتكون لك والبير ملك لك .

صخر : اه يا عواد .. يوم ما املك البير واضمه لملكي .. يوم مـــــا اصير اغنى شبخ في القبايل كلها .. املــــك المــــال والجـــــاه والمــــلطان وتيجي القبايل التانية تعمل عندي خدم ..

عواد : بس اياك ما تنساش وتمد رجالي بالميه .

صخر : لك ما تشاء من المال .. انت سندي ويدي اللي بتحــــرك بيها وببطش عدوي بيها .

عواد : وانا والمطاريد الغربية طوع امرك .. يا سيد القـــوم .. دا طول ما انت طوع امرنا (يضحكان سويا) ثم يخرجان بينما تدخل المراة العجوز)

العجوز : يا طير يا طاير فوق السطوح .. فوت على ولدي نوح شحات : (داخلا) الطوفان جاي يا عربان .. هيعـــزق الشــــايب والولدان .. ادخلي يا سالمة الدار امان .. ما فيها غربان .. (تدخل سالمة وتتجه الى المراة العجوز)

سالمة : كفياكي بكى وعديد يا خالة ..

العجوز : قلبي عليك يا ولدي انفطر وقلبك عليه ليش حجر ..

سالمة : يا ريت يا خالة يعود الغايب يا ريت . ما انا كمان يا خالة قلبي حزين .. انتظر مجاهد وللحين ما عاد .. ما انا خابرة ان كان مات و لا حي ..

شحات : مجاهد حي .. مجاهد حي ..

العجوز : ينن العين يا ولدي ضميتك .. وجوه كبدي يـــــا ولــــدي راعيتك .. لكن ما رايتك (تخرج)

سالمة : انت خابر ولدها ؟ يا شحات

سالمة : و ما خابر شيء عن مجاهد يا شحات

شحات : مجاهد حي .. مجاهد حي

سالمة : سنين طويلة وهو غايب في معتقل العدو .. لا حــــس ولا

خبر .. كيف عرفت انه حي

شحات : ما تعرفي ابي من عيناي المعمصة اقدر اعرف كل اســـراري

.. ومن عيناك الجميلتان اقدر اعرف كل اسرارك .

سالمة : مزاح انت يا شحات ..

شحات : لا يا سالمة انا ما مزاح .. قلبي دلني ان مجاهد حي .. لكـن

انت باقية على عهده معك

سالمة : ايوة يا شحات .. مجاهد طول عمره راجل ولا كل الرجال

.. طول عمره يعشق الارض والناس ويكره الظلم .

يده عليه .. اقوم انا انفخ نفسي .. واقول للولد غورا مـــن اهني لحسن اضربكم بالمركوب وبعد ما يمشي مجاهد اطلـــع

اجري وهما يجروا ورايا ويحدفوني بالطوب .

سالمة : نبيل الاخلاق .. كريم الطباع ..

شحات : أي نعم .. واول ما احتل العدو ارضنا كان اول واحــــد

يحمل سلاح ويجاهد مع ابوه الشيخ مسلم ورجاله

سالمة : طول عمره راجل

شحات : من شان هادا بتهویه یا سالمة

سالمة : وكيف ما اهواه .. لو قطعوا جسدي ما اقدر اخون عهده

شحات : ودعرور ؟

سالمة : ماله حسان ؟

شحات : يريدك زوجة له

سالمة : يريد الموت ولا يريدين

شحات : يعني ما تريديه

سالمة : ما اريده

شحات : ما دام ما تريديه .. لو هوب ناحيتك .. قولي لي وانا اطخه

بالنبلة هادي واخرم عينه بالسبف هسادا .. واحملسه علسي

حصاني العربي الاصيل هادا وارميه في البير

حسان : (داخلا) ترمي مين في البير يا اهطل

شحات : (مضطربا) دعر.. ور .. قصدي حسـ .. ان .. ارمـــي

الديب

حسان : دیب یاکل رمتك یا عفن

شحات : عفن كيف وانا متحمي على العيد اللي فات واللي قبـــــل

اللي فات

حسان : غور من اهني لاتاوي رمتك

: حاضر .. لا تغضب (وهو خارجا) يا دعرور قول الحـــق شحات انت راجل ولا لا (يخرج ثم يدخل مرة اخرى) ان زعلـــك قولي لي وانا اكسر لحمه في عضمه (يخرج)

> : غور ياهطل (لسالمة) كيفك يا زينة الصبايا حسان

: ايش تريد يا حسان اغرب عن وجهي سالمة

: بكرة البعيد يقرب .. وتجمعنا ورقة واحدة ودار واحدة حسان

> : نجوم السما اقرب لك سالمة

: نجوم السما طوع امر حسان .. انا قادر اخطفك .. لكــني حسان اريدك طايعة

: يكون يوم مويي سالمة

: افهميني يا سالمة .. لا تتمسكي بامل كاذب .. انا خــــابر حسان

انك بتنتظري مجاهد .. مجاهد مات ..

: مجاهد عايش .. وعمره ما مات .. سالمة

> : وعرفت من وين ؟ حسان

> > : قلبي يدلني سالمة

: وفرضنا انه عايش .. لما يعود .. حبقدر يحميكي ؟ حيعــود حسان

فاقد ماله وهيبته وشبابه وتايه .. ما هيعرف لـــه راس مــن رجلين .. لكن انا اقدر اتاقلك بالدهب لان الوقت وقست الاقوى وانا الاقوى . . اللي يقدر يحميكي ويشعرك بالامان

(11)

- سالمة : ياه .. ما يقدر يحمي الدار غير اصحابها .. وانت طريــــد .. قاطع طريق
- حسان : (بعصبية) اسمعي يا سالمة .. هتكوني ملكي مسهما طـــال الزمن .. يا زوجة يا غصــية
- شحات : (بخرج من مخباه) یا دعرور طوف وشوف انت جبان او مکسوف .
- حسان : انت لسة هنا ياهطل .. هاتوا يا رجال (يشير الى رجالـــه بامساك شحات)
- (بحاول شحات ان يركب عسف النخيل .. ويهوب لكـــن الرجال يمسكوه ₎
- شحات : الله لا يكسبك من حصان عربي هامل .. ليش ما ســـرعت .. عجزت يا خيبان
 - حسان : مدوه یا رجالة .. (یضربه بالخیزرانة علی قدمیه)
 - شحات : اه يابا .. اه يا قدمي .. حرمت يا حسان
 - سالمة : اتركه .. اتركه يا حسان ..
- حسان : امرك يا سالمة .. لكن اسمع ياهطل لو يوم شفتك هوبـــت
 - ناحية سالمة هيكون يوم حتفك
 - شحات : وينك يا مجاهد ترد لي لحمي اللي اتبعتر ..

حسان	: مجاهد مات وشبع موت مجاهد ما بقاش عايش غــــــــــــــــــــــــــــــــــــ
	عقولكم المعتمة وانا حي انا حسان زعيم المطاريد الشرقية
	ما حدا يقدر يقف قدامي او يعصي امري (يخرج)
موال	: (غناء) لك يوم يا ظالم لك يوم مهما زدت المظالم لــك
	يوم هتئور عليك القوة والعدل والميزان وتدمرك مــــن
	جوه كرامة الانسان
سالمة	: قوم يا شحات لا تبكي
شحات	: وايش يفيد البكا يا سالمة من بعد ما ولا الرجال
سالمة	: احنا اللي فتحنا دارنا للمطاريد وخليناهم يتحكموا فينـــــا
	كله من ابويا وعمي
مشاهد	: (داخلا) ضاع الفارس والخيال (بمجرد ان يلمحــــــــــــــــــــــــــــــــــــ
	شحات يجري عليه)
شحات	: الحقني يا شيخ مشاهد اه يابا دعرور كسر لحمسي في
	عضمي شوشو لي قدمي
سالمة	: خاطرك يا عم الشيخ مشاهد
مشاهد	: انت هنا يا سالمة . كيفك يا بنيتي
سالمة	: عايشة يا عم الشيخ (تخرج)
مشاهد	: قلبها مكسور يا ولداه لكن قولي ليش ضربك حسان يا
	شحات ٠

شحات : اغضب سالمة .. حمى الدم العربي في عروقي .. طقت مـــن عيوني الشهامة العربية .. ركبت حصاني وقلت ابـــــارزه .. لكن حصاني صار هامل ما قادر على السير واتاري ســــيفي كمان اكله الصدا وانا ما داري

مشاهد : ومين فينا سيفه ما صدا من بعد ما صار يحمي الاغراب ..

شحات: اه یا قدمی . . وینك یا مجاهد

مشاهد : مسير الغايب يعود . طول عمره هو وابوه يكره المطــــاريد

.. ويحذروا الخلق منهم لحد ما وقعوه في شباكهم ورمـــوه في يد عدو لا يرحم ..

شحات : اه یا شیخ مشاهد .. لو کان مجاهد موجود ..

مشاهد : سنين طويلة واخباره مقطوعة

شحات : انا قلبي يدلني ان المطاريد ورا اختفاء مجاهد

العجوز : (داخلة) ويوم تعود يا ولدي .. يوم القلب يرتاح .. يـــوم

تعود يا ولدي .. يوم اقيم السامر والافراح (تخرج)

شحات : والله بفكر اركب حصابي الهامل هادا وابحث ليــــها عـــن

وللمها .. اه يا قدمي ما انت ســعفاني .. (فجـــاة يصــــاب بصاعقة) الحق يا شيخ مشاهد

مشاهد : ایش فیه یا شحات .. حسان عاد ..

شحات : انا ما مصدق عيناي المعمصات . اقرصني حتى اعلـــــم ابي

صحيان ما نيمان

مشاهد : ايش صابك يا ولد يا شحات .. ايش فيه

شحات : مجاهد عاد ..

مشاهد : انت بتحرف یا شحات ؟

شحات : وراس ابویا ما بخرف (یدخل مجاهد)

مجاهد : انا بلحمي وشحمي يا راجل يا عجوز ..

موال : (غناء) ضميني ياما ضميني واقلعي توبــــك الحزيـــن ..

وضميني ياما ضميني وداري جراح السنين

مجاهد : انا مجاهد یا شیخ مشاهد

مشاهد : صوته .. مجاهد ولدي .. ضمني يا ولدي .. ضمني ارتــاح

على صدرك .. خليني انسى همومي وامحي عار الزمان ..

شحات : وانا اعبطني .. قصدي افعصني .. يا حيرة بالك يا شحات

.. اقولك اعنقني مثل الشيخ مشاهد .. عشان ارتاح فــوق

كتفك .. (يلقي بنفسه على كتفه)

مجاهد : كيفك يا شيخ مشاهد .. كيفك يا شحات

* مشاهد : خبر يا ولدي ..

شحات : اقوله على دعرور

مشاهد : بعدين يا شحات . مجاهد لسه واصل من غربة طويلة ..

شحات : معك حق .. انا مضطر ابشر سالمة .. قدامي يا حصابي يـــا

هامل (يخرج)

مشاهد : متى عدت من غربتك والمعتقل يا ولدي

مجاهد : البارحة ..

مشاهد: من غير حس ولا خبر ..

مجاهد : مانت عارف ان الطرق مقطوعة بينا وبينكم وما حدا يقدر

يوصلكم او يوصلنا حتى انا ما كنت خابر وين ..

مشاهد : كاد يضيع الامل في عودتك

مجاهد : مجاهد يتحمل كل العذاب منشان يعود للاهل والاحبساب

• •

مشاهد : الاهل والاحباب ..

مجاهد : خير يا شيخ مشاهد .. لهجتك فيها حزن ..

مشاهد : بعدين احكيلك يا ولدي

مجاهد : لا احكيلي الحين .. فيه حاجة غريبة .. من اول ما عدت

وانا مش فاهمها .. اول حاجة يا شبخ مشاهد ما حدا اتعرف على غيركم .. زي ما اكون غريب عن اهل القبيلة .. وكل ما واحد يشوفني وانده عليه .. يشوفني ويتركني ويسهرب .

وايه الراية السودا المرفوعة هادي وليسش الخلسق حاملية السلاح .. وليش النساء لابسة السواد .. ايش فيه يا شبخ

مشاهد ايش اللي صار ..

مشاهد : الحال اتبدل يا ولدي ..

مجاهد : اتبدل كيف ..

مشاهد : اتبدل للاطماع والتار والصحبة اتفرقت .

مجاهد : نورني يا شيخ مشاهد .. قوللي الحقيقة

مشاهد : الحقيقة مرة يا ولدي ..

مجاهد : مش امر من ليالي المعتقل

مشاهد: اللم في العرق الواحد صار مهدور ..

مجاهد : ومين اللي هدره يا شيخ مشاهد .

مشاهد : اعمامك قسموا القبيلة بيناقم ..

مجاهد : قسموا القبيلة .. ووين ابويا ..

مشاهد : مات بعد ما دخلت المعتقل .. مات وهو قلبه حزين عليـك

••

مجاهد : ﴿ فِي تَأْثَيْرِ ﴾ ابويا مات ..

مشاهد : ومقامه تحت البير هادا .. ووصاين قبل ما يموت ادفنه تحت

البع

مجاهد : واعمامي ؟ ايش اللي عملوه بعد ابويا ؟

مشاهد : كل واحد فيهم .. اراد تكون المشيخة من نصيبه ويكــون

البير ملكه .. منشان هادا اشعلوا نار التار بيناتهم ..

مجاهد : وبير الميه ..

مشاهد : اتحول بحور من الدم ..

مجاهد : وانت وین یا شیخ مشاهد ؟

مشاهد : انا بقيت ماضي ما له تاثير ومالي كلمة الكل استنكرين

مجاهد : وزمايل الجهاد وين اراضيهم ؟

مشاهد : اللي اصابته عجزته ولزم داره .. واللي بينتظر المسوت ..
واللي سافر بره يشتغل في بلاد البترول .. واللي اتغلب على
امره واشتغل مع عمامك يحرث ارضهم واللي ترك القبيلسة
ورحل ما نعرف وين اراضيه ..

مجاهد : ونضالنا وجهادنا ؟ وسنين عمري اللي ضاعت في المعتقل ؟

مشاهد : الخلق نسيونا يا مجاهد ..

مجاهد : وسالمة يا شيخ مشاهد ..

مشاهد : عمك وهبها للمطاريد ..

مجاهد : المطاريد ؟

مشاهد : اعمامك استعانوا بيهم ضد بعض .. واشتروا سلاحهم وفتحوا هم بيوقم .. ياما غلبت فيهم ابصرهم لكن ما حدا

مجاهد : سنين وايام وانا بحلم بعوديّ لاهلي وناسيي وارضي .. منشان امسك الفاس وازرع بطن الارض .. تطسرح زرع اخضر .. واجعل البير لكل الخلق .. راسم فرحتي قدامسي ويوم ما اعود القي الخصومة والتار والفرقة بين اهلي والقسى الفرب بيتحكموا في دمنا .. وخطيبتي معهود للمطاريد .. يلد ريت ما عدت يا شيخ مشاهد

العجوز : قلبي عليك يا ولدي .. شايفة طريقك مسدود .. حواليـك الدي والدي والديابة اسود ..

مجاهد : مين العجوز هادي يا شيخ مشاهد ؟

مشاهد : هلت علينا تسال عن وليدها ؟

مجاهد : وين ولدها ؟

مشاهد : ما حدا خابر .. اللي يقول بلعه حوت .. واللي يقول قتلـــه

ديب .. واللي يقول وقع في الجب .

مجاهد : (للعجوز) ردي عليه يا خالة .. خبريني وين ولدك

العجوز : يا طير يا ابو جناح مكسور لف على ولدي ودور ..

مشاهد : لا تتعب نفسك يا ولدي ما حدا قدر يخليـــــها تتكلـــم ..

الظاهر الها ما تسمع وما تشوف .

العجوز : ببعت لك مكتوب من قلب لقلب .. رد السلام يا ولـــدي

وخبرين وين الدرب

مجاهد : تاه منك كيف خبريني يمكن اقدر اساعدك ..

العجوز : لو كان ليه عليك دليل يــهديني .. لمشــيت ليـــك ارض

تشيلني وبحر يداريني (تخرج)

مجاهد : ايه اللي صار يا شيخ مشاهد .. ايه اللي غير الخلق ..

مشاهد : المطاريد .. اللي اغوا الناس ..

شحات : (داخلا) مجاهد حي يا سالمة .. مجاهد حي ..

سالمة : (تدخل سالمة) مجاهد

مجاهد : سالمة

سالمة : عدت يا مجاهد

مجاهد : عديت الليالي والايام عشان اعود ليك يا سالمة

سالمة : وانا احصيت الدقائق والثواني انتظرك يا مجاهد

مجاهد : لكن الجرح في قلبي صار جرحين

سالمة : كل جراحك ان اوالها تطيب

مجاهد: لقيتك معهودة للمطاريد

سالمة : صاينة عرضي وطهري لك وما حدا صاب قلبي ..

شحات : يا عيونك المعمصة يا شحات مثل البندورة

وادعى ربنا انه يشفيك ..

مجاهد : وادي النتيجة .. بقيت ماضي .. والانـــدال اتحكمـــوا في

الخلق

سالمة : بينا يا مجاهد .. اتذكر الاغاني والسامر والميجانا .. وانتــوا

قاعدين في الليل تنتظرو تنفيذ العملية ضد العدو)

(يبدأ الاغاني بمقطوعات من الميجانا ثم اغاني وطنية كما لــو

كان حلم او فلاش باك)

مجاهد : اتذكر يا سالمة وعمري ما نسبت

مشاهد : طول عمرك راجل يا مجاهد ..

مجاهد : خلاص یا شیخ مشاهد خلاص یا سالمة .. مجـــــــــــاهد عــــــاد

منشان يجاهد من جديد .. هلف على اعمامي على مشايخ

القبايل على الحلق كلهم .. هبدأ نضالي ضد المطاريد .. ضد كل دخيل ببحاول يكسر في عاداتنا او يحاول يمحي هويتنـــــا واصالتنا او يلغي تاريخنا ونضالنا

: وانا هخوذلك عوينات دعرور بالسيف المصدي هادا حسق

شحات

يصير اعور . (يخرج الجميع بينما تدخل المراة العجوز وتقف وحدها على المسرح وهي تردد : قلبي عليك يا ولدي .. يا خوفي مــــن اخر الطريق .. قلبي عليك يا ولدي .. قلبي عليك يا غريب

(المشهد الثاني)

الصواوين: ملعون يا هالوالي ملعون

الصخران : ملعون يا هالوالي ملعون

مجاهد : (وهو يقف بين القبيلتين)ليش بتلعنوه يا خلق ..

صوان : والي فاسد

صخر : والي خداع

مجاهد : مانتوا كنتوا بتهابوه وبتعملوله الف حساب قبل ما يمــوت

وكلامه يمشي على كل واحد فيكم ..

صوان : خدعنا بكلامه الهامل

صخر : جبان .. علمنا الخزي والعار ..

مجاهد : حماكم من الاغراب

صوان : معاود لیش یا غریب ایش ترید

صخر : اياك طمعان باهل ومال

مجاهد : جاي فارد توبي الابيض

صوان : انت مين .. ومن وين اراضيك ؟

صخر : ووين اصلك ؟

مجاهد : انا مجاهد ولد اخوكم ووليكم ..

: مين اللي غواك يا غريب انك تكون مجاهد ولد اخونا ؟ صخر صوان : مجاهد مات وشبع موت من سنين طويلة : واحنا كفناه بيدنا ودفناه تحت التراب صخر : ومين قتله ؟ مجاهد : لا تلف وتدور .. قول ايش تريد .. وما فيه مشاكل صوان : اريدكم تحقنوا دماء القوم وتكفوا عن الحرب .. والبـــــير مجاهد يعود لكل الخلق .. للفقــــير والغـــني .. يـــروي ارضـــهم وعطشاهم . فاكرين يا عم .. يوم ما حفرنا البير كان ليـــش .. كان عشان يروي عطشش جنودنا ورجالنا وناســــنا .. لا عشان يروي عطش الاغراب . ليش يا عم حولتوا ميته بحور دم وزرعتوا الارض الطاهرة جثث وضحايا .. بينا يا عـــــــم نقعد في مجلس عرف يحضروا الاهــل والاصحــاب ونحــل مشاكلنا بينا وما ندخل غريب بيناتنا .. الغرب يا عـــم مـــا بيحلوا مشاكل بيزيدوا نارها

صخر : لا مصالحة حتى اكون انا شيخ القبيلة الوحيد والبير ملكي صوان : لا انا شيخ القبيلة الوحيد وما فيه مشاكل

مجاهد : القوم هما اللي من حقهم يختاروا شيخهم ويختاروا مصيرهم صخر : انا احق بالمشيخة

صخر : وانت ما تنولها حتى يدخل البعير في المخيط

مجاهد : يا خلق كفاية خلاف لا تشمتا الغرب فيكم ..

حسان : تقصد مين بالغرب يا غريب

مجاهد : اقصدكوا انتوا .. انت وعواد

عواد : هادي اهانة لا اقبلها يا شيخ صوان

صوان : اسمع يا ولد .. اياك تنطق كلمة مرة تانية .. اياك توجــــه

اهانة للمطاريد .. هادول سند لي ومن غيرهم فيه مشاكل

مجاهد : هادول من مصلحتهم تفضل الراية السودة دايرة بيناتكم

مشاكل

صخر: اتنازل انت عن المشيخة والبير وانا انزل من راسي

مجاهد : يا خلق اسمعوين .. زمان كنتم يد واحدة وقلب واحـــد ..

كنا مثل خيل مداعيق .. تدوس عدونا .. انت يا عم صخب كنت حارس البير ليل ونحار من العدو .. وانت يا عم صوان كنت توزع مبته ببدك على الحلق .. ايش اللي صــــار يــا عمــاه .. ايش اللي غير كم .. مــــين نســـاكم تـــاريخكم والمجادكم .. واويتم المطاريد وانتوا خابرين الهم طول عمرهم

جواسيس علينا .. يكرهونا ويكرهوا راحتنا ..

حسان : لا .. هادي اهانة لا تغتفر

مجاهد : لازم تكونوا خابرين ان المطاريد من صالحهم الحرب تكون دايرة بيناتكم

عواد : عاجبك كدة يا شيخ صخر الكلام الهامل هادا ..

حسان : والخيل ما تحمل دنانير ..

صخر: الظاهر ان ليالي المعتقل اللي هيقولوا عليها اصابته بالجنون

حسان : وامنيته يسوق الخلق في طريقه

عواد : رب امنية جلبت منية

صوان : ايش اللي يخلينا نسمع كلام ولد هامل زي هادا ..

صخر : انا ما جیت اسمعه انا جیت احذرك

صوان : انت تحذريي يا صخر

صخر : قتلت راجلين من رجالي هقتل لك اربعة

صوان : وانا هقتل لك ستة

مجاهد : (صارخا) يا خلق .. اسمعوني انا ما مجنون ولا مخبول

صوان : اسمع يا ولد .. انا طولت بالي عليك ولكن وحد كتاب الله

ان ما تكف عن هذا الخراف هاهدر دمك وما فيه مشاكل

صخر : وتصير مهدور الدم بين القوم

مشاهد : قلبهم صار حجر .. السلطة والطمــع وحــب الجــاه ..

عماهم عن الحقيقة .. عماهم حتى عن اقرب الناس ليهم

حسان : يوه .. ماعدش غير الاعمى كمان ..

مشاهد : بتعير في بعماي .. عماي ما هو من يوم ما صابتني رصاصـــة العدو عماي الحقيقي يوم ما لقيتكم بتسوقوا مشايخ القبـــليل مثل الابل

صوان : اقفل خاشمك يا مشاهد والا انت خابر وما فيه مشاكل .

مشاهد : هتمنع عني المعونة اللي بتعطيها لي .. خلاص يا صـــوان .. معونة مغمسة بدم الخلق ما اريدها

نسيم : من الغريب هادي يا سيدي صوان ؟

سلامة : (من رجال صخر) الظاهر انه مجنون مثل ما قال ســـيدي

صحر

شاب : اقتلوه

شاب : بيحوا دمه

مشاهد : يا خسارة يا شباب العرب .. نسيتوا مجاهد اللسي علسى راسكم .. مجاهد الي ضحى بزهرة شبابه علشان يعيش غيوه .. مجاهد هادا يا نسيم .. رمى نفسه في يد العدو علشان

المرحوم ابوك يهرب منهم

شاب : هادا كلام فارغ

شاب : يريد الاعمى يفسد عقول الشباب

شباب : يريد يطمس الحقيقة

شاب : هادا غریب ما بنعرف

نسيم : احمنا بندافع عن شيخنا .. عن شيخ قبيلتنا

مشاهد : ضد مین .. ضد اهلکم واخوانکم .. صرتم اعداء .. مـــا

تتكلم يا مجاهد .. ولا خلاص صابك الياس

مجاهد : (في ياس) .. اتكلم اقول ايه يا شيخ مشاهد .. ما حدش فيهم راضي يسمعني نضالنا وجهادنا كان وهم .. تريـــــدني اقول اني ضليت الطريق وما لقيت اهلي وعشيرتي .. اقـــول

الهم باعوا خطيبتي سالمة للمطاريد بأرخص ثمن

حسان : ایه .. خطیبتك .. مش بقولكم مجنون

صوان : اسمع .. اياك تتخرف بكلمة تانية او تذكر اسم سالمة

مجاهد : سالمة خطيبتي وانت خابر يا عم

حسان : يادي الفضيحة .. غريب وتتحدث باسم الطاهرة

مجاهد : الطاهرة اللي تريد تغتصبها يا جبان

نسيم : وبعدين في الغريب هادا . نقتله يا سيد القوم

مجاهد : نسيم .. انت ولد الشيخ سويلم .. الله يرحم ابوك كـــان

راجل ولا كل الرجال .. صدقني يا ولدي ابوك كان يريــــك راجل تحمل الفاس وتزرع ارضه ما تسمعش كلام المطاريد يا

دي .

حسان : اسمع يا غريب الدار والاصل

مجاهد : انا اللي غريب الاصل .. يابن الافعى

حسان : لو تفوهت بكلمة .. واعدت اهانة المطاريد .. السيف حكم يني وبينك

مشاهد : بارزه يا مجاهد .. بارزه .. انت طول عمرك تجيد المبارزة .

مجاهد: ارید سیف

مشاهد : خذ هادا سيفك .. شايلهولك ليوم زي دة

(يقوم مجاهد بمبارزة حسان وعندما يهم ان يهزمه تدخــــــل المراة العجوز)

العجوز : وينك يا ولدي .. يا خوفي من طعنة الغدر في الظـــهر لمـــا تخون .. تقطع في الحشا والدم في العروق يهون .. (تخرج)

مجاهد : نفدت یا جبان

عواد : والله دي مهزلة يا مشايخ القبايل .. عبب عليكم لما نسهان قدامكم وانتوا واقفين تنفرجوا .

حسان : ان ما تردت لي كرامتي يا شيخ صوان .. يصير فراق بيسني

مجاهد : اتركهم .. اتركهم يرحلوا من اهني يا عم .. وتعالى نقعــد ونحل مشاكلنا بينا

صوان : اسمع یا ولد یا مجنون انت .. المطارید هادول اسیادك وتاج راسك

مجاهد : اريد خطيبتي سالمة

حسان : بطل كلام لا جايب ولا مودي .. سالمة خطيبتك من ويسن .. انت اجعر واجع تقول ليك اهل وخطيبة

صوان : كان عهد خرف .. وانتهى الخراف بالا ارحل من القبيلة

کلها

مشاهد : تريدوا تطردوه منشان يريد السلام والصلح بينكم

صخر : هامل وكلامه هامل مثله وانت هامل مثله

صوان : يريد يفسد شبابنا وعاداتنا

مشاهد : يعني هو اللي يريد يفسد عاداتكم .. انتم كده اللي يقسف قدامكم او يعارضكم يصير عدوكم .. وتبيحوا دمسه يا تطردوه .. وما دام الحكاية حصلت لطرده واهدار دمسه .. يبقى اسمع منك له .. البير من حق مجاهد .. هو اللي ضحى بنفسه ويستحقه

صوان : حتى الاعمى صابة الجنون

مشاهد : لا الاعمى ما صابه الجنون .. الاعمى على حق .. وهملدي الحجة الاصلية للبير بيع وشرا مجاهد والشرط ان يجعله سبيل لكل الخلق .. من ناسه واهل بلده .. ابوه كتبه قبل ما يموت

صوان : وين مجاهد ؟

مشاهد : مجاهد اللي واقف قدامكم

حسان : شفته كيف ؟

مشاهد : شفته بقلبي

صوان : مجاهد مات

مشاهد : تلحسوا البشعة ان مجاهد مات وان هدا ما هو مجاهد ولـــــ

اخوكم تلحس البشعة يا مجاهد انك مجاهد ولد مسلم

مجاهد : انا مستعد اعمل أي شيء

صخر : خدعتنا ياعمي

صوان : غشیتنا یاعمی .. حسان (علی انفراد) ارید دم الاعمسی

ومجاهد

حسان : اتریث شویة یا شیخ صوان

صخر: عواد .. ارید دم الاعمی

عواد : الوقت ما هو مناسب

صوان : مصير الحي يشوف الحي .. وما فيه مشاكل

صخر: الراس ما بتساع طربوشين .. يالا يا عواد

(يخرج الجميع فيما عدا مجاهد ومشاهد)

: قلبي عليك يا ولدي يا غريب وسط الصحاب .. لحمـــك المر يحلى لما تلوكه اسنان الديابة (تخرج)

شحات : الطوفان جاي يا عربان هيغرب الثباب والولسدان .. الله

العجوز

: الطوفان جاي يا عربان هيغرب الشباب والولدان .. الله يحسيكم بالخير ايش مالكم .. الحزن مالي وجوهكم .. ايساك يكون المدعرور اغضبكم .. قولولي وانا اطق عيسه بالنبلة هادي .. واضربه بالمبرطوشة هادي (يخلع الصندل) تاخدوا زر بندورة .. ما تريدوا .. اسموا تاخدوا الفار المشوي هادا .. ايش مالكوا اتخرستوا .. خابرين ايش حكاية الفار هادا .. اول ما رايته في الجحر اتخيلته راس دعرور .. وذيله عواد .. وصرت اراقبه واراقبه لحد ما طل براسه من الجحر وهب .. هويت عليه بالسيف هادا .. كسرت راسه ولميت الحطسب وشيوته وهملته على حصاني واحضرته .. ايش قولكم انسا شجاع .. ياباه طعمه مر .. علقم ... انا ذاهب اشرب علي شجاع .. ياباه طعمه مر .. علقم ... انا ذاهب اشرب علي اذا كانت العترة بطلت تخلف (يركب حصانه) وتربح تربح اذا كانت العترة بطلت تخلف (يركب حصانه) وتربح تربح .. وطاق طاق شامية .. ومعلق في النشامية وطاق طاق طاقية .. وباخيبي على الوحدة العربية (يخرج)

مشاهد : و بعدين ناوي تعمل ايه يا مجاهد .. والبير الحسين صار منكك

مجاهد : والله مانا خابر یا شیخ مشاهد

مشاهد : اجمع شباب القبيلة حواليك .. واطرد المطاريد .. واقــــف قدام عمامك

مجاهد: اه یا شیخ مجاهد لو عملت کدة .. ابقی بقسم القبیلة تلات .. ابقی بزید نار الحرب .. انا ارید یسود الحب ویتلم الشمل

مشاهد : امال ناوي تعمل ايش .. دا انا كنت فاكر ان المشكلة اتحلت .

مجاهد : ما فيه غير حل واحد

مشاهد : ایش هو

مجاهد : نكسر راس الافعى

مشاهد : قصدك المطاريد .. كيف ؟

مجاهد : اساومهم

مشاهد : ايش الكلام اللي بتقوله هادا يا مجاهد .. تساوم المطاريد

مجاهد : افهمني بس يا عم الشيخ مشاهد .. انا هلعـــب عليــهم

مشاهد : لا يا ولدي المطاريد اولاد افاعي .. نابمم ازرق .. طابعــهم

الغدر .. لو كشفوا ملعوبك ما هيصير خير

مجاهد : هكون صاحي ليهم

مشاهد : وكيف ناوي تساومهم ؟

مجاهد : هروح ليهم في عقر دارهم .. في الجبل واقولهم اريد سلام معكم وتعاون واديكم نصيب من مية البير ..

مشاهد : تروح ليهم في عقر دارهم .. وتحط يدك في يدهم ..

مجاهد : لحين مافضح مؤامرتمم ..

مشاهد : الامرالله

مجاهد : بس هادا يصير سر بيني وبينك وبين الشحات

مشاهد : وليش شحات

مجاهد : منشان هاخده معی

مشاهد : انا رايح الحين لداري .. اقعد جواها .. وارقب النهايـــة ..

اللي خوفي تكون طوفان ما بعده طوفان .. خاطرك (يخرج)

العجوز : (داخلة) يغور الشين يا ولدي لو كان بينا

يغور الشين يا ولدي لو كان بينا

شحات : والطوفان جاي يا عربان .. يغرق الشباب والولدان

مجاهد : شحات .. طوفان ایش یا شحات .. احکیلی ایش حکایــــة

الطوفان هادي

شحات : حلم .. حلمت حلم ما انساه .. (اضاءة توحي بالحلم)

قال ايش لقيت بحرين اطبقوا على الخلق .. بحر مبته بيضـــه وبحر مبته سوده .. ونجمة بست سنون وعينان تلقي علــــى الخلف بشهب .. وانا اجري اجري .. والطوفــــان ورايـــا

اسوع من البرق .. اهرب من الطوفان القــــى الشـــهب ..

اهرب من الشهب القى الطوفان وفجاة لقيت وسط الطوفان شابة مليحة عليها قية او تاج من ذهب تلوح لي من بعيل ... وما كذبت خبر .. عديت عليها وصرت ابوس فيها وهسب صحيت من النوم لقيت نفسي حاضن حصاني الهامل هادا ... احكي الحلم للخلق ما حدا مصدقني .. ويقولي انت هسامل واحلامك هاملة

مجاهد : تلقاك كنت واكل اكلة تقيلة

شحات : انت كمان ما مصدقني يا مجاهد .. الطوفان جاي يا مجلهد

منشان هادا ودي اصنع لي مركب من القش حتى انجو مـــن الغرق

نسيم : (داخلا) عمي مجاهد

مجاهد : نسيم خير يا نسيم يا ولدي ـ جاي تقتلني

شحات : ايش الطوفان جه يا ولد يا نسيم

نسيم : لا يا عم مجاهد .. ما اريد احارب حدا

مجاهد : صحیح یا نسیم ؟

نسيم : كلامك فوقني .. ونور طريقي .. معك حــــق .. اهملـــت

ارض ابوي وجدي وقتلت اعز الناس لي .. بس انا خـــايف

من عمي صوان ومن المطاريد

مجاهد : لا تخاف يا نسيم .. طول ما انت على حق ما تخاف

شحات : زين كلامك والله زين يا نور العين ..

نسيم : احمى الشباب يا عم من المطاريد .. المطاريد يريدوا يقتلسوا

شبابنا بالحروب والسموم والمحدرات

مجاهد : لا تحمل هم يا نسيم - لا تحمل هم .. روح الحين اقعـــد في

مد ارضك .. ازرعها ولا تغادرها حتى اعود اليك ولسو اردت أي شيء تعالى عندي

نسيم : امرك يا عم (يخوج)

مجاهد : اما انت فتعالى معي

شحات : لوين ؟

مجاهد : لبداية الطريق

(المشهد الثالث)

ر هذا المشهد يجب ان يدور في طقس يوحي بالمؤامرة بحيث تكون الاضاءة

خافتة على ضوء فانوس (يدخل حسان وعواد)

حسان : اسمعني مليح يا عواد .. وانصت لي اذنك

عواد: سامعك يا حسان

حسان : الوضع الحين اتغير .. وانقلبت الاوضاع .. منشان كــــده

ودنا نغير من طريقة لعبتنا

عواد : تغير كيف ؟

حسان : انت خابر الحين ان البير صار ملك مجاهد

عواد: ايوه حابر ومن ساعتها وانا قلبي مولع نار

حسان : واحنا كل اللي يهمنا البير

عواد : صحيح

حسان : وان الخلاف يفضل داير بين مشايخ القبيلة .. عشان نكون

احنا الاقوى

عواد : صح :

حسان : وبعد كده نأمن وجودنا في القبيلة كلها

عواد : صح .. لكن وضح لي اكتر

حسان : لو تركنا مجاهد يستولي على البير يبقى شــــوكته هتكـــبر وهيلم الخلق حواليه ومش بعيد يصالح اعمامه على بعض

عواد : طب ما نقتله ونخلص منه

حسان : لا قتله الحين مش في صالحنا

عواد : امال هتسوي ايش وياه

حسان : احنا نفهمه ان احنا نعمل معاه معاهدة اتفاق

عواد : ونترك مشايخ القبيلة

حسان : نتركهم كيف .. احنا نكيد له عندهـــم ونلعــب علــى

عواد : بس انت خابر مجاهد ما هو سهل

حسان : مجاهد مثل غيره من مشايخ العرب ما يهمه غير مصلحته

عواد : ومشايخ القبايل لو عرفوا ؟

عواد : طب وكيف نساوم مجاهد ؟

حسان : عن طريق سالمة .. هاقوله هاتر كلك سيسالمة .. قلسبي رق للعشق اللي بينك وبينها وبكده هيامن لي

عواد : تفتكر يا حسان

حسان : العشق نار وما يطفيها غير احضان المحبوب

عواد : طب وبعدين ايش تسوي تايي

حسان : نكيد له عند مشايخ القبيلة حتى يتامروا على قتله ونظهروا ليهم بانه عدوهم اللدود .. بس الحين لازم نقنعهم بــالصلح

المؤقت مع بعض

عواد : نصالحهم

حسان : بصفة مؤقتة .. وبعدين نولعها نار بعد ما يخلصوا ونخلسص

من مجاهد

عواد : وتفتكر هيوافقوا

حسان : ما انت خابر الهم خاتم في صباعنا اعملوا كده اعملـــوا ... متعملوش .. متعملوش .. هادول كل همهم مصلحتهم وبس

..

عواد : يسلم تفكيرك يا حسان .. صحيح المكر له ناسه

حسان : وكمان نحرض الشيخ صوان على قتل نسيم

عواد : اه الولد نسيم صار من رجال مجاهد والخوف يحرض كـــل

الشباب

حسان : وبكده نغل صدر مجاهد ضد اعمامه .. لحد ما تصل النار

لعنان السما وساعتها ما حدا هيقدر يطفيها

عواد : تسلم يا أبو الافكار

حسان : وفي النهاية يصير البقاء للمطاريد .. ونصير احنا اصحاب

الارض .. والبير (يضحكان ويخرجان)

العجوز : (داخلة) .. خايفة عليك يا ولدي ومش قادرة اصونـــك .. وايدي عاجزة وقيدي مانعها تمسح دمعة عيونك ... فاية المشهد

سالمة : كده برضه يا مجاهد تبيع اهلك .. تبيع سالمة

مجاهد : بعتك كيف يا سالمة ؟

سالمة : تستحوز على البير .. وتروح للمطاريد في الجبل منشـــــان

تمد يدك ليهم وتتعاون معاهم

مجاهد : الحكاية غير كده يا سالمة .. بكره هتفهمي كل حاجة

سالمة : افهم ايش يا مجاهد

مجاهد : افهمي ان الحياة الحين للاقوى .. للي معاه القوة .. والقوة

في البير والمطاريد .. وانا اتعذبت كتير واريد الحين ارتاح

سالمة : يا خسارة يا مجاهد

مجاهد : انا بعمل كل ده عشانك .. انا خلاص اتفقت مع حسان

انه يتركك .. وهكتب كتابي عليكي رسمي ويـــــوم كتـــب

الكتاب هتعرفي كل شيء ..

سالمة : وليش مافهمش الحين

مجاهد : بعدين يا سالمة

سالمة : انت نسيت انك زوجي امام الله

مجاهد : وكيف انسى يا سالمة .. لكن لازم نعلن زواجنا الاول

صوان : (داخلا) .. يا للعار .. يا للفضيحة .. سالمة مع الغريـــب

العاشق

مجاهد : انا ما غريب يا عم .. وانت عارف ان سالمة لي بالعهد ..

صوان : عار وصاب قبيلة الصواوين

حسان : عار ليش يا شيخ صوان .. مجاهد ولد اخوك وهو احــــق

سالما

صوان : ایش الکلام هادا یا حسان

حسان : بعدين اشرح لك كل شيء

صوان : انت شایف کده

حسان : ايوه يا سيد القوم

صوان : اللي تشوفه .. قدامي على الدار يا سالمة (يخرج)

ما يفهم معنى العشق

مجاهد : لسه عند وعدك يا حسان ؟

حسان : حسان طوع امرك .. انت جيت لي الجبل وفردت جنساح

حمامة السلام كيف اذبحها .

مجاهد : وانا ما زلت عند وعدي

حسان : طب وراس الوالي هادا .. انا اول ما شفتك اتوسمت فيــك

الخير .. وقلت مجاهد هادا ابن حلال مصفي

مجاهد : اريد العهد اللي بينا مكتوب

حسان : مكتوب .. هدا العهد (يخرج له العهد) وهادا توقيعي ..

انت متزوج سالمة وانا والمطاريد لينا نص البير

مجاهد : لكن انا كمان محتاج مساعدة عواد زعيم المطاريد الغربية

حسان : لكن انت عارف ابي ماليش تاثير عليه

مجاهد : كيف يا حسان .. دا انت كبير المطاريد واكبد عواد مـش

هايرفض ليك امر

حسان : عموما هو بعت لي مرسال .. بيريد يتعاون معاك وزمانـــــه

جاي .. اهو جه

مجاهد : مرحب يا عواد

عواد : مرحب بيك يا زين الرجال انا اول ما عرفت انك عساوز

تتعاون مع سيد حسان قلت لا انا كمان اتعاون معاه

عجاهد : اكتملت بنود المعاهدة انتوا تكونوا طوع امري وتتخلسوا

عن مشايخ القبايل مقابل نص البير

حسان : وتبقى انت زعيم المطاريد (يضحك الجميع)

عاهد : اهضوا على العهد (يقوم الجميع بالتوقيع على الورقة)

عواد : بس نريد الامر سر يا مجاهد .. عشان انت عارف وضعنا

صعب مع عمامك

-مجاهد : سركم في بير (لنفسه) لكن مصير الحي يتلاقى

عواد وحسان : مبروك يا زينة الشباب يا مجاهد كده بقينا اصدقاء

شحات : (داخلا) ياباه .. ايش اللي صار .. عواد ودعـــــرور ...

ثعبانين مع عصفور

حسان : احنا ما نرید لمجاهد غیر کل خیر

شحات : من وين ييجي الخير مع الغطا والزير :

واد .	: الخير موجود باهل الجود
حات	: يا دعرور قول الحق انت صادق ولا لا
وسان	: ﴿ فِي غَيْظٌ ﴾ دمك خفيف يا شحات خاطرك الحين يــــــا
	مجاهد (يخرجان)
بجاهد	: اكتم السر يا شحات اياك تتخرف مع حدا
شحات	: اتخلط الحابل بالنابل والانس بقى جان وتقلبت البقرة
	عترة والعترة من غير ودان
مجاهد	: بعدين هتعرف كل شيء
مشاهد	: ﴿ وَاخْلَا ﴾ قَتْلُوا نَسِيمُ يَا بَلَدُ ﴿ تَدْخُلُ مُجْمُوعَةً مُــــنَ اهْـــل
	القبيلة تحمل جسمان نسيم) قتلوا نسيم يا مجاهد
شحات	: الطوفان جاي يا عربان هيغرق الشباب والولدان
مشاهد	: قتلوا نسيم يا بلد قتلوه وهو في يده فاس بيزرع خــــــــــــــــــــــــــــــــــــ
	للبلد منشان يرويكم من زرعه قتلوه عشان قال لهم لا
	اه يا بلد الخوف عشش في قلوبما والسوس بينخـــر في
	حبوبها قتلوه علشان قال ليهم لا لا يا مشايخ القبايل يـ
	كبار يا عاقلين مين هيسيل دم مين مين هيقتل اخو مين ؟
العجوز	: ولدي ولدي لسه صغار خوفي يا ولدي مـــن اخـــر
	المشوار .
مشاهد	: لا اليوم قتلوا نسيم وبكرة الدور على مين علم
	سلام ولا حسين ولا على ولا انت ولا انت وكل يــــو

هيموت راجل هنا وراجل هناك .. ولصالح مين ومنشّان مين وفي النهاية خراب يعم كل القبايل .. وغربان تنعـــق علـــى والسلاح أغرب ..

: الطوفان جاي يا غربان .. هيغرق الشباب والولدان شحات مشاهد

: انت خابر مين اللي قتله يا مجاهد

: الصبر يا شبخ مشاهد .. الصبر ياهل القبيلـــة .. هــانت مجاهد

وبكرة المستور هيبان .. والحقيقة تبان .. الصبر ياهل القبيلة

: (غناء) موال

ايش اللي جري وايش اللي غاب طير المحبة انقهر ولا بقينا اغراب شارد یا طیر مینا حارد علی غناوینا صوتك يا طير اهاتك كسروا يا طير جنحاتك كهاية المشهد

(المشهد الخامس)

(داخل كهف المطاريد في الجبل ــ المشهد اضاءة خافتة مؤامرة)

صخر : انا موافق على ما قاله عواد

صوان : وانا موافق على ما قاله حسان

حسان : الخطر واحد ومجاهد شوكته كبرت

عواد : ولازم نتفق منشان نخلص منه

صوان : ولد اخوك مجاهد هيج علينا القوم .. واستولى على البــــير

والارض .. حلمي وحلمك

صخر : وايش المطلوب مني

صوان : الخطر صابني وصابك .. ومدام اتوحد الخطر .. يبقى لازم

يتوحد الهدف

صخر : وايش هو الهدف

صوان : قتل مجاهد

صخر : ما تقتله انت ورجالك

صوان : وتريد اهل القبيلة يقفوا ضدي .. واكون انا قاتل ولد خي

.. تضيع هيبتي وسط قومي

صخر : وتريدين اقتله انا ..

صوان : لا نقتله احنا الاتنين

صخر : وكيف هنقتله

حسان : اقولكم انا الشيخ صوان يوهمه بانه موافق على زفتـــه

لسالمة .. وان الحرب واقفة وفيه هدنة ويوم زفته وفي عــــــز

الفرح رصاصة طايشة او ضربة سيف في الخلف موحدة

عواد : ومات وعمامه راضيين عليه

حسان : ويبقى كفناه بمدوم فرحه

عواد : وبدل ما يدخل على عروسته

حسان : ادخل عليها انا

عواد : وهو يدخل القبر

(الجميع يضع يده على يد بعض)

الجميع : اتفقنا

كهاية المشهد

(المشهد الاخير)

مشاهد : هم شوية يا شحات العريس زمانه على وصول

شحات : هو الحين عوس مجاهد على سالمة -

مشاهد : ايوه يا شحات ـ الفرحة اللي انتظرتما من زمان

شحات : يابه .. ودي اتزوج محبوبتي

مشاهد : انت ليك محبوبة يا شحات

شحات : نعم وكان ودي اخطفها على حصاني العربي الاصيل ومــــا

اسعفني

مشاهد : وايش لونما

شحات : عيونما معمصات .. وشعورها مكرمشـــــات .. وودانمـــا

مطولات .. ومنخيرها شلالات .. وارجولها ايدين مقشـــات

.. وفمها بلاعات .. هــ .. حزر فزر ايش تطلع

مشاهد : (يضحك) الله يخبيك يا شحات داعبت البسمة المدفونــة

تحت الجوح

(نسمع صوت اغاني الافراح)

شِحات: اهو العريس والعروسة وصلوا

﴿ يَدْخُلُ الْجَمِيعُ وَحَسَانَ وَاهْلُ الْقَبِيلَةَ فِي زَفْةً وَطَبَلُ وَزَمَــــر

وغناء)

: كله سمع هس .. الليلة فرح وسامر .. انا حسان زعيــــم حسان المطاريد متبرع بميت ناقة عربي وميت اردب قمح لجل عيون العروسة والعريس : وانا عواد زعيم المطاريد متبرع بميت اردب قمح ومـــوالح عواد وفاكهة عشاء للعريس والعروسة : مبروك يا عريس .. تم كتب كتابك وعلى مقامك وســـط حسان المشايخ : لفوا حواليه الزينة وعلوا الطبول والمزمار .. لجل ما تطــود عواد عنه الحسود واللي عيونه سحرها نار : حياكم الله .. لكن اريد اقول كلمة وافشى سر (لغـــط) محاهد سالمة صارت زوجتي امام الله ورسوله .. الليلة بالي ارتـــــاح الليلة ان الاوان افضح المستور .. ونفضح على الملأ خيانـــة الدسيس .. ومؤامرات الاغراب : ايش الكلام هادا .. انا غلطان اللي وافقت على زواجــك صوان : فرح هادا ولا معزى الولد رجع مجنون تايي

: اسمعوا يا مشايخ العربان .. الليلة اقدم لكم وثيقة الاحقلد مجاهد والمؤامرات القذرة ضدكم وثيقة مكتوبة بالدم الزفر وعفانسة الكلمات .. وثيقة وضع فيها مصالح المطاريد . هادي هــــي الوثيقة .. المطاريد ساومويي على سالمة .. ســــــــاومويي علـــــي

حياتكم واهلكم في مقابل حصة من ميسة البسير .. كسانوا حداً يعرفه غيري وسالمة والمطاريد .. (لغط) : (ضاحكا) لعبة حقيرة من تلميذ حقير .. انا الحق علـــــي حسان اللي سلمتك سالمة : محدش يهين العريس .. الليلة ليلته ودخلته وحقه يفــــرح عواد ويقول كل اللي هو عاوزه : تنكر انك ساومتني على سالمة والبير انت وعواد مجاهد : سالمة كانت هتبقى مراتي لكن شهامتي وخــــوفي عليـــك حسان وضعت يدى في يُدُك .. دا انت اللي جيت لي لحد الجبـــل .. يعني لحدودي : كده .. كده يا مجاهد .. تعض اليد اللي اتمدتلك .. حسان صوان

صوان : كده .. كده يا مجاهد .. تعض اليد اللي اتمدتلك .. حسان اللي ساعدك وتنازلك عن سالمة .. وخلاني وافقــــت علـــــي زواجك منها تتهمه بالحيانة

صخر: خلق تخاف ما تختشيش

صوان : وين دليلك على هادا يا مجاهد .. نريد دليل

حسان : اه وین دلیلك علی هادا یا شـــاطر ولا اقسام اســـیادك وخلاص

مجاهد : هادا دليلي .. خدوا اقروا الوثيقة يا عم اقروها وشـــوفوا بعينكم دليل خيانتهم

مجاهد : ایش اللی بیضحکك یا عم (یأخذ الوثیقة) لا .. مـــش مـــش محکن مش معقول .

حسان : بلها و اشربها يمكن تشفيك من جنونك

مجاهد : عذاب یا خلق .. و دم انحجز فی العروق .. قولول السدم اللی بیجری فی عروقکم عربی و لا مغشوش .. مسین بساع حلمی .. مین یا شحات .. مین اللی باعنی یا شیخ مشاهد .. حسین و لا سلیم و لا مسلم و لا علی .

مشاهد : ايش اللي صاريا مجاهديا ولدي

مجاهد: باعونی یا شیخ مشاهد

مشاهد : كيف يا ولدى ؟

مجاهد : الوثيقة بيضة تاريخها و عنوانها و كلامها تمسوح .. خدعونى .. أنا خلاص راحل من اهنى يا شيخ مشساهد .. راحل من أرض الحراب .. أبحث عن واحة خضرة .. لسسه

فيها قلوب الخلق تنبض بالحب .. لسه عقولهم زينة .

مشاهد : لا یا ولدی ایاك ترحل .. ما تبأس یا مجاهد .. هما یریسدوا یهزموك .. عشان تزهق و تترك وطنك و ترحل .. اقسف قدامهم مرة و اتنین و ثلاثة .

عجاهد : أنا لوحدی مش هقدر أعمل حاجة یا شبخ مشاهد .. لازم الحلق هما اللی یقفوا معای .. الخلق كلها خابرة ملاعیسب المطارید .. لكن الحوف .. الحوف معشش جواهم .. أنسسا

مجاهد : سبيني ارحل يا سالمة .. طريق همومي طويل .. سبيني ارحل وادوق طعم الغربة .. يمكن تكون ارحم

سالمة : لا .. لو كل واحد الهزم مرة وترك ارضه وناسه القبايل هتبقى خراب للبوم والغربان

شحات : الطوفان جاي يا عربان

سالمة : انا محتاجالك يا مجاهد

صوان : اتحشمي يا مجرمة وكمان ليك عين

حسان : إتركها يا شيخ صوان هادا زوجها .. من حقها تسساعده وتبكي عليه - قصدي تنمسك بيه .. جرى ايه يسسا شسيخ صوان .. هنسيب ابن اخوك كده من غير ما نتم فرحته احنا برضه ناس في قلوبنا رحمة ولازم العريس يفرح .

صوان : تعالى يا عريس .. نتمم فرحك على عروستك .. انست

مهما كان ولد اخونا

سالمة : لا يا مجاهد

مشاهد : خللي بالك يا مجاهد

صوان : دقوا الطبول وزفوا العريس ما تخافيش يا عروسة دا فرحك

ر وانت بنتي الوحيدة

(تدق الطبول وتعلو والجميع يلتف حول العريس والعروس

ومع ارتفاع صوت الطبول يخرج احدهما خنجره ويضعب في

صدر مجاهد مع صرخة سالمة)

صوان : مبروك يا عريس الليلة دخلتك من حقك تفرح

صخر: الليلة علوا الراية السودا ودقوا طقوس الحرب

شحات: الطوفان جاي يا خلق .. الطوفان جـــاي يـــا عربـــان ..

الطوفان جاي يا شيخ مشاهد .. قتلوا مجاهد يا شيخ مشاهد

مشاهد : مجاهد ولدي .. ضاع الفارس والخيال

العجوز : ولدي يا حلم معصوب جوه العيون .. و ده دم مين اللــي

البقر داسوه

شحات : الطوفان جاي يا عربان .. هيغرق الشباب والولدان

ريترل شحات الى الصالة .. والعجوز ومشاهد يقفا في وضع

منتصف المسرح)

بينما في الخلف مشهد من الخلف بانوراما لاغتصاب سالمة ..

: ولدي .. انت فين يا ولدي ..

العجوز

شحات مشاهد

: الطوفان جاي يا عربان .. هيغرق الولدان والشباب ..

: (من منتصف المسرح)

الطوفان جاي يا عربان .. هيغرق الولد والارض .. اصحبوا يا عربان .. فوقوا .. لامتى المطاريد هتفضل في الارض يمدوا ايديهم لقدام والغدر من الظهر .. بير الميه ممكسن يكفي العربان بس .. لكن المطاريد مالهم حسق فيه .. المطاريد مالهم على بيغتصبوا كل حاجة في حياتنا .. واحنا اللي بنساعدهم على هادا .. البوا العربان على بعض .. خلوكوا تشموا دمساكم على الها على الها على الها على الها مو ورا تشربوا دماكم على الها تريساق اوعوا تخلوا البير يفرق بينكم .. لموا صفوفكم وحسدوا كلمتكم .. اصحوا قبل الطعنة الكبرى ما تبجيلكوا مسن ظهوركم .. اصحوا قبل ما تكونوا في التاريخ مجرد ذكرى

(يردد الشيخ مشاهد كلامه مع تدخل العجوز والشحات) وبينما تترل الستار ترتفع (الراية السودا) إبداعات شمال سيناء درع تشاه سمان سيد النسس كالمتم تخالت ك

رنيس مجلس الاداره محمد أحمد عبد العظيم مدير فرع ثقافة شمال سيناء رئيس التحريس محمد عاسش عبيسة

أسرة التجريسر محمد عليش القسريف محمد ود طبيب حسونة فتحمد حاتم عبد الهادي السيد عبد القادر عبد عباد حسين غريب أحمد

